



**საქართველოს მეცნიერებათა ეროვნული აკადემია  
ქართული ენციკლოპედიის ი. აბაშიძის სახელობის მთავარი სამეცნიერო რედაქცია**

## ბრეზნევი ლეონიდ ილიას ძე



ლ. ბრეზნევი

ბრეზნევი ლეონიდ ილიას ძე (19. XII. 1906, სოფ. კამენსკოე, უკრაინა, – 10. XI. 1982, მოსკოვი), კომუნისტური პარტიის და საბჭოთა სახელმწიფოს მოღვაწე, სკპ ცკ-ის გენერალური მდივანი (1966), სსრკ უმაღლესი საბჭოს პრეზიდიუმის თავ-რე (1960 – 64, 1977-იდან), საბჭ. კავშირის მარშალი (1976), სოციალ. შრომის გმირი (1961), საბჭ. კავშირის ოთხგზის გმირი (1966, 1976, 1978, 1981). სკპ წევრი 1931-იდან. დაამთავრა დნეპროძერუინსკის მეტალ. ინ-ტი (1935). 1937-იდან საბჭ. და პარტ. სამუშაოზე იყო. 1941-45 მონაწილეობდა II მსოფლიო ომში როგორც პოლიტმუშავი. 1946-იდან უკრ. კპ ზაპოროჟიეს, 1947-იდან –

დნეპროპეტროვსკის საოლქო კომიტეტის პირველი მდივანი, 1950-52 მოლდ. კპ ცკ-ის პირველი მდივანი. 1952-53, 1956-60, 1963-64 სკპ ცკ-ის მდივანი. 1964-66 – სკპ ცკ-ის პირველი მდივანი. 1952-იდან სკპ ცკ-ის წევრი, 1957-66 სკპ ცკ პრეზიდიუმის წევრი. 1966-იდან სკპ ცკ პოლიტბიუროს წევრი. სსრკ თავდაცვის საბჭოს თავ-რე (1977). ორჯერ – 1971 წ. 14. V და 1981 წ. 22. V ჩამოვიდა საქართველოში საქ. სსრ და საქ. კპ 50 და 60 წლისთავებისადმი მიძღვნილ ზეიმებზე.

ბ-ის საერთ. ავტორიტეტს სერიოზული ზიანი მიაყენა საბჭოთა სამხედრო ინტერვენციამ ჩეხოსლოვაკიაში 1968. XX ს. 70-იანი წლების პირველ ნახევარში ცდილობდა გაეტარებინა ე. წ. განმუხტვის პოლიტიკა დასავლეთის ქვეყნებთან, უპირველესად აშშ-თან. ამ პოლიტიკის დასასრულად ითვლება საბჭოთა ინტერვენცია ავღანეთში (1979).

ბ-ის მმართველობის ბოლო წლები ცნობილია „ზასტოი“ (застой) სახელწოდებით. იმდღავრა ნეგატიურმა პროცესებმა ეკონომიკაში, საზ-ბის ცხოვრების სოც. და სულიერ სფეროებში.

დაჭილდოებულია სსრ კავშირისა და მსოფლიოს სხვადასხვა ქვეყნის ორდენებითა და მედლებით.

---